



Broj: 06-1-07-1-2760/24  
Sarajevo, 14.11.2024. godine  
F.S.

Na osnovu člana 2.9 stav (1) tačka 16, a u vezi člana 1.10 stav (1) tačka 1. i stav (2) i člana 10.8 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 11. i 15. Uputstva o dodjeli i prestanku mandata ("Službeni glasnik BiH", broj 31/24), u pravnoj stvari prestanka mandata Čomor Eldara, poslanika u Predstavničkom domu Parlamenta Federacije Bosne i Hercegovine, Centralna izborna komisija Bosne i Hercegovine je na 109. sjednici, održanoj dana 14.11.2024. godine, donijela

## O D L U K U

### o prestanku mandata i dodjeli mandata sljedećem kvalificiranom kandidatu

- (1) **Čomor Eldaru**, poslaniku u Predstavničkom domu Parlamenta Federacije Bosne i Hercegovine, izabranom na Općim izborima 2022. godine, sa kandidatske liste političkog subjekta SDA - STRANKA DEMOKRATSKE AKCIJE, utvrđuje se prestanak mandata sa danom podnošenja ostavke, 12.11.2024. godine.
- (2) Upraznjeni mandat iz člana (1) dispozitiva ove Odluke dodjeljuje se **Šaćić Džani**, sljedećoj kvalificiranoj kandidatkinji sa liste političkog subjekta SDA - STRANKA DEMOKRATSKE AKCIJE.
- (3) Šaćić Džana dužna je postupiti u skladu s članom 1.3a stav (3) Izbornog zakona BiH i u roku od sedam dana od dana prijema Izjave o prihvatanju/odbijanju mandata istu čitko popuniti i dostaviti Centralnoj izbornoj komisiji BiH.
- (4) Ukoliko Izjava iz člana (3) dispozitiva ove Odluke ne bude dostavljena u navedenom roku, smatrat će se da je kandidat odustao od mandata, te će se mandat dodijeliti narednom kvalificiranom kandidatu sa liste.

## O b r a z l o ž e n j e

Centralna izborna komisija Bosne i Hercegovine je, dana 12.11.2024. godine, zaprimila Obrazac zahtjeva za utvrđivanje prestanka mandata izabranom članu tijela vlasti u Predstavničkom domu Parlamenta Federacije Bosne i Hercegovine, propisno ispunjen od strane poslanika Čomor Eldara, te potpisan i od strane predsjedavajućeg Predstavničkog doma Parlamenta Federacije Bosne i Hercegovine, kojim je Čomor Eldar, dana 12.11.2024. godine, podnio ostavku na mandat poslanika u Predstavničkom domu Parlamenta Federacije, a iz razloga preuzimanja funkcije načelnika Općine Hadžići, kako je u Obrascu navedeno.

Odredbama člana 1.10 stav (1) tačka 1. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom podnošenja ostavke.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu tijela vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ u kojem je izabrani član imao mandat.

S tim u vezi, a na osnovu člana 10.8 stav (2) Izbornog zakona Bosne i Hercegovine, mandat poslanika u Predstavničkom domu Parlamenta Federacije Bosne i Hercegovine dodjeljuje se Šaćić Džani, sljedećoj kvalificiranoj kandidatkinji sa liste političkog subjekta SDA - STRANKA DEMOKRATSKE AKCIJE.

U skladu s navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14, člana 1.10 stav (1) tačka 1. i stav (2) i člana 10.8 stav (2) Izbornog zakona Bosne i Hercegovine, te člana 11. i člana 15. Uputstva o dodjeli i prestanku mandata, odlučila kao u dispozitivu ove odluke.

**Pravna pouka:** Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu s članom 6.9 stav (1) i stav (2) Izbornog zakona Bosne i Hercegovine.



Dostavljeno:

- Čomor Eldar,
- Šaćić Džana,
- Predstavnički dom Parlamenta Federacije BiH, nakon pravomoćnosti,
- a/a.